### ЎЗБЕКИСТОН РЕСПУБЛИКАСИ ВАЗИРЛАР МАХКАМАСИНИНГ ҚАРОРИ

# 47 Диний мазмундаги материалларни тайёрлаш, олиб кириш ва тарқатиш сохасидаги фаолиятни амалга ошириш тартибини такомиллаштириш чора-тадбирлари тўгрисида

Диний мазмундаги материалларни тайёрлаш, олиб кириш ва тарқатиш соҳасидаги фаолиятнинг ташкилий-ҳуқуқий асослари ва муносабатларни тартибга солиш, экспертизадан ўтказиш жараёнини мақбуллаштириш, шунингдек Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита фаолиятини янада такомиллаштириш мақсадида Вазирлар Маҳкамаси қарор қилади:

### 1. Қуйидагилар:

Ўзбекистон Республикаси худудида диний мазмундаги материалларни тайёрлаш, олиб кириш ва тарқатиш фаолиятини амалга ошириш тартиби тўгрисидаги низом 1-иловага мувофик;

Диний мазмундаги материалларни давлат диншунослик экспертизасидан ўтказиш тартиби тўгрисидаги низом 2-иловага мувофик;

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита аппаратининг тузилмаси 3-иловага мувофик тасдиқлансин

2. Ўзбекистон Республикаси Вазирлар Маҳкамаси ҳузуридаги Дин ишлари буйича қумита бир ой муддатда:

конфессиялар билан ишлаш ва экспертиза булими юқори малакали мутахассислар, шунингдек зарур ахборот базаси ва моддий-техник воситалар билан таъминланишини;

диншунослик экспертизаси хулосаларини хисобга олишнинг ягона реестрини;

Ўзбекистон Республикаси худудида диний мазмундаги материалларни тайёрлаш, олиб кириш ва тарқатиш фаолиятини амалга ошириш тартибига оид тушунтириш ишлари кенг микёсда ташкил этилишини ва ўтказилишини таъминласин.

- 3. Ўзбекистон Республикаси Вазирлар Маҳкамасининг «Ўзбекистон Республикаси Вазирлар Маҳкамаси ҳузуридаги Дин ишлари буйича қумита фаолиятини янада такомиллаштириш туррисида» 2004 йил 23 апрелдаги 196-сон қарори 2-бандининг иккинчи ҳатбоши, 3-бандининг биринчи ҳатбоши ва қарорга 2-илова уз қучини йуҳотган деб ҳисоблансин.
- 4. Ўзбекистон Республикаси Вазирлар Махкамаси хузуридаги Дин ишлари буйича қумита манфаатдор вазирликлар ва идоралар билан биргаликда бир ой муддатда қонун хужжатларига ушбу қарордан келиб чиқувчи узгартириш ва қушимчалар турисида таклифлар киритсин.



4 (608)-сон — 31 — 47-модда

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.И. Икрамов зиммасига юклансин.

### **У**збекистон Республикасининг Бош вазири

Ш. МИРЗИЁЕВ

Тошкент ш., 2014 йил 20 январь, 10-сон

> Вазирлар Маҳкамасининг 2014 йил 20 январдаги 10-сон қарорига 1-ИЛОВА

Узбекистон Республикаси худудида диний мазмундаги материалларни тайёрлаш, олиб кириш ва тарқатиш фаолиятини амалга ошириш тартиби тўгрисида НИЗОМ

#### І. Умумий қоидалар

- 1. Ушбу Низом Ўзбекистон Республикаси худудида диний мазмундаги материалларни тайёрлаш, олиб кириш ва тарқатиш буйича фаолиятни амалга ошириш тартибини белгилайди.
- 2. Ўзбекистон Республикаси худудида диний мазмундаги материалларни тайёрлаш, олиб кириш ва тарқатиш буйича фаолият Ўзбекистон Республикаси қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг қонун хужжатлари, Ўзбекистон Республикаси Вазирлар Маҳкамасининг қарорлари ҳамда ушбу Низомга мувофиқ амалга оширилади.
- 3. Ўзбекистон Республикаси худудида диний мазмундаги материалларни тайёрлаш, олиб кириш ва тарқатиш фақат давлат диншунослик экспертизаси ўтказилганидан кейин амалга оширилади.

Диний мазмундаги материалларда материалларнинг тўлик номланиши, мазмуни, муаллифи, тайёрловчиси, тайёрланган санаси ва жойи, адади ва бошка маълумотлар давлат тилида кўрсатилиши шарт.

4. Ушбу Низомда қуйидаги асосий тушунчалардан фойдаланилади:

диний мазмундаги материаллар (кейинги ўринларда материаллар деб аталади) — дунёдаги турли динларнинг асослари, тарихи, мафкураси, таълимоти ва шархлари хамда маросимларини ўтказиш амалиётини акс эттирувчи китоблар, рисолалар, журналлар, газеталар, варакалар ва бошка босма нашрлар, аудиовизуал асарлар (теле-, кино- ва видеофильмлар, клиплар, концерт дастурларининг ёзмалари, мультфильмлар, аниме, хэнтай ва шу кабилар), ахборот ташувчи электрон жисмлар (дискетлар, CD, DVD дисклари, Интернет тармогида жойлаштирилган материаллар ва шу кабилар);

. Узбекистон Республикаси қонун ҳужжатлари тўплами, 2014 й.



**тайёрлаш** — Ўзбекистон Республикаси худудида диний мазмундаги материалларни нашр этиш, қайта нашр этиш ва нусха кучириш;

**олиб кириш** — хорижда тайёрланган диний мазмундаги материалларни Ўзбекистон Республикаси худудига етказиб беришнинг хар қандай шакли;

**тарқатиш** — Ўзбекистон Республикаси худудида диний мазмундаги материалларни сотиш, обуна бўлиш, етказиб бериш, тарқатиш, юбориш ва реализация қилиш;

**давлат диншунослик экспертизаси** (кейинги ўринларда экспертиза деб аталади) — Дин ишлари бўйича қўмита (кейинги ўринларда ваколатли орган деб аталади) томонидан диний мазмундаги материалларни тадқиқ этиш жараёни;

экспертиза хулосаси (кейинги ўринларда хулоса деб аталади) — Ўзбекистон Республикаси Вазирлар Маҳкамаси ҳузуридаги Дин ишлари бўйича қумита томонидан бажариладиган диний мазмундаги материалларни Ўзбекистон Республикаси ҳудудида тайёрлаш, олиб кириш, тарқатишга руҳсат бериш (руҳсат бермаслик) масаласини ҳал этиш учун курсатилган материалларда диний қонун-қоидалардан оғишганлик ёки бузиб курсатишнинг борлигига оид илоҳиётшунослик тадқиқотлари утказилганлигини расман тасдиқловчи ёзма ҳужжат;

**талабгор** — хулоса бериш тўгрисидаги ариза билан ваколатли органга мурожаат қилган юридик ёки жисмоний шахс.

### II. Материалларни Ўзбекистон Республикаси худудида тайёрлаш

- 5. Материалларни Ўзбекистон Республикаси худудида тайёрлаш юридик ёки жисмоний шахслар томонидан амалга оширилади.
- 6. Тайёрлашга мўлжалланган материалларнинг назорат нусхаси ва зарур маълумотлар экспертизани амалга ошириш учун ваколатли органга етказиб берилиши лозим.
- 7. Юридик ёки жисмоний шахслар томонидан тайёрланадиган материаллар экспертиза ўтказилганидан кейин материалнинг муаллифи ва номланиши, ношир манзили, адади (тиражи), материалнинг қисқа мазмуни ва шарҳи ҳамда тайёрланган санаси кўрсатилган ахборотга эга бўлиши лозим.
- 8. Материалларни тайёрлашга ўн иш куни давомида ўтказиладиган ва якунида хулоса расмийлаштириладиган экспертизадан кейин йўл қўйилади.

### III. Материалларни Ўзбекистон Республикаси худудига олиб кириш

9. Ўзбекистон Республикаси Давлат божхона қумитаси ва Ўзбекистон Республикаси Миллий хавфсизлик хизматининг Давлат чегараларини химоя



қилувчи қумитаси давлат чегарасида олиб қуйилган материаллар экспертизадан утказиш учун ваколатли органга уз вақтида юборилишини таъминлайди.

- 10. Юридик ва жисмоний шахслар томонидан Ўзбекистон Республикаси худудига олиб кирилган тақиқланган материаллар руйхатига кирувчи материаллар экспертиза ўтказилганидан кейин божхона органлари ёки давлат чегарасини қуриқлаш органлари томонидан мусодара қилинади.
- 11. Юридик ва жисмоний шахслар томонидан ўз эхтиёжлари учун ҳар бир номланишдаги материалдан уч нусхадан ошмаган миқдорда, агар улар тақиқланган материаллар руйхатига киритилмаган булса, экспертиза утказилгандан кейин Ўзбекистон Республикаси ҳудудига олиб кирилишига йул қуйилади.
- 12. Ваколатли орган диний материал намунаси олингандан кейин ўн иш кунидан ошмаган муддатда муайян материал Ўзбекистон Республикаси худудига олиб кирилиши тўгрисидаги масалани кейинчалик ҳал этиш учун тегишли органга хулоса такдим этади.
- 13. Ваколатли орган Ўзбекистон Республикаси фукаролари манфаатларини химоя қилиш мақсадида оммавий зиёрат тадбирлари ўтказиладиган вақтда экспертизанинг бевосита божхона назорати пунктларида ўтказилишини таъминлайди.

### IV. Материалларни Ўзбекистон Республикаси худудида тарқатиш

14. Материалларни Ўзбекистон Республикаси худудида тарқатиш юридик ва жисмоний шахслар томонидан турғун савдо шохобчалари орқали фискал хотирали назорат-касса машиналари, тулов терминалларини қуллаш ва пул тушумларини банкка кундалик инкассация қилиб топшириш йули билан амалга оширилади.

Материалларни кучма савдо шохобчаларида сотиш тақиқланади.

- 16. Ваколатли орган ва бошқа манфаатдор ташкилотлар материалларнинг ноқонуний тарқатилиши ҳолатларини аниқлаш ва олдини олиш тадбирларини ҳамкорликда амалга оширадилар.
- 17. Экспертизанинг ижобий хулосаси Ўзбекистон Республикаси худудида материалларнинг муайян турини тарқатиш хуқуқини беради.
- 18. Материалларни қуйидаги мақсадларда тарқатишга йул қуйилмайди: жинси, ирқи, миллати, тили, дини, ижтимоий келиб чиқиши, эътиқоди, шахсий ёки ижтимоий мавкеига қараб ёки бошқа ҳолатларга кура камситиш ёхуд узга шахслар маҳсулотларини обрусизлантириш;



47-модда

Ўзбекистон Республикасининг мавжуд конституциявий тузуми, худудий яхлитлигини зўрлик билан ўзгартиришга даъват қилиш;

уруш, зўравонлик, терроризм, шунингдек диний экстремизм, сепаратизм ва ақидапарастлик ғояларини тарғиб этиш;

миллий, ирқий, этник ёки диний адоват қўзғатувчи ахборотни тарқатиш;

диний эътикодни ўзгартиришга даъват килиш;

диндорларнинг диний туйгуларини ҳақорат қилиш ёки камситиш;

фуқароларни ўз конституциявий мажбуриятларини бажармасликка чақириш;

давлат, жамоат ёки диний ташкилотларнинг хукуқлари ва мол-мулкига тажовуз қилишга ундаш;

гиёхванд воситалар, психотроп моддалар ва прекурсорларни таргиб килиш:

қонунга мувофиқ жиноий ва бошқа жавобгарликни келтириб чиқарувчи хатти-ҳаракатларни амалга оширишга ундаш.


#### V. Ушбу Низомни бузганлик учун жавобгарлик

- 19. Ўзбекистон Республикаси худудида материалларни тайёрлаш, олиб кириш ва тарқатиш билан боғлиқ низолар қонун хужжатларида белгиланган тартибда суд орқали ҳал этилади.
- 20. Ушбу Низом нормаларини бузишда айбдор шахслар белгиланган тартибда жавоб берадилар.

Вазирлар Маҳкамасининг 2014 йил 20 январдаги 10-сон қарорига 2-ИЛОВА

# Диний мазмундаги материалларни давлат диншунослик экспертизасидан ўтказиш тартиби тўгрисида НИЗОМ

- 1. Ушбу Низом диний мазмундаги материалларни давлат диншунослик экспертизасидан ўтказиш тартиби, шунингдек Ўзбекистон Республикаси худудида тайёрлаш, олиб кириш ва тарқатишга мўлжалланган диний мазмундаги материалларнинг давлат диншунослик экспертизасини амалга оширишда иштирок этувчи томонларнинг хукук ва мажбуриятларини белгилайди.
- 2. Ўзбекистон Республикаси худудида тайёрлаш, олиб кириш ва тарқатишга мўлжалланган диний мазмундаги материалларнинг давлат диншунослик экспертизаси Ўзбекистон Республикаси қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг қонун ҳужжатлари, Ўзбекистон Республикаси Вазир-





лар Махкамасининг қарорлари ҳамда ушбу Низомга мувофиқ амалга оширилади.

3. Ушбу Низомда қуйидаги асосий тушунчалардан фойдаланилади:

давлат диншунослик экспертизаси (кейинги ўринларда экспертиза деб аталади) — Ўзбекистон Республикаси Вазирлар Махкамаси хузуридаги Дин ишлари бўйича кўмита (кейинги ўринларда ваколатли орган деб аталади) томонидан мутахассислар, экспертлар ва диний ташкилотлар вакиллари иштирокида босма нашрлар, аудиовизуал асарлар (теле-, кино- ва видеофильмлар, клиплар, концерт дастурларининг ёзмалари, мультфильмлар, аниме, хэнтай ва шу кабилар), ахборот ташувчи электрон жисмлар (дискетлар, CD, DVD дисклари, Интернет тармогида жойлаштирилган материаллар ва шу кабилар) ва диний мазмундаги бошқа материалларни тадқиқ этиш жараёни;

экспертиза хулосаси (кейинги ўринларда хулоса деб аталади) — Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита томонидан бажариладиган диний мазмундаги материалларни Ўзбекистон Республикаси ҳудудида тайёрлаш, олиб кириш, тарқатишга руҳсат бериш (руҳсат бермаслик) масаласини ҳал этиш учун кўрсатилган материалларда диний қонун-қоидалардан оғишганлик ёки бузиб кўрсатишнинг борлигига оид илоҳиётшунослик тадқиқотлари ўтказилганлигини расман тасдиқловчи ёзма ҳужжат;

диний мазмундаги материаллар (кейинги ўринларда материаллар деб аталади) — дунёдаги турли динларнинг асослари, тарихи, мафкураси, таълимоти ва шархлари хамда маросимларини ўтказиш амалиётини акс эттирувчи китоблар, рисолалар, журналлар, газеталар, варакалар ва бошка босма нашрлар, аудиовизуал асарлар (теле-, кино- ва видеофильмлар, клиплар, концерт дастурларининг ёзмалари, мультфильмлар, аниме, хэнтай ва шу кабилар), ахборот ташувчи электрон жисмлар (дискетлар, CD, DVD дисклари, Интернет тармогида жойлаштирилган материаллар ва шу кабилар);

**ваколатли орган** — Ўзбекистон Республикаси Вазирлар Маҳкамаси ҳузуридаги Дин ишлари буйича қумита;

**эксперт кенгаши** — ваколатли орган хузуридаги олимлар, экспертлар ва диншунослик хамда илохиётшунослик сохаси мутахассислари кенгаши.

- 4. Ўзбекистон Республикаси худудида тайёрлаш, олиб кириш, тарқатишга мўлжалланган материал, агар Ўзбекистон Республикаси қонун хужжатларида бошқа холат кўзда тутилмаган бўлса, экспертизадан ўтказилиши керак.
- 5. Экспертиза Ўзбекистон Республикаси қонун хужжатларига ва ушбу Низомга мувофиқ мурожаат этилган кундан бошлаб ўн иш куни давомида ваколатли орган томонидан ушбу Низомга 1-иловага мувофиқ ўтказилади.
- 6. Ваколатли орган хузурида олимлар, экспертлар ва диншунослик хамда илохиётшунослик сохаси мутахассисларидан иборат таркибда эксперт кенгаши тузилиши мумкин.
- 7. Экспертиза курсатиб утилган фаолиятнинг бирор турини амалга оширишдан олдин юридик ва жисмоний шахсларнинг ёзма мурожаатлари,



47-модда

шунингдек Ўзбекистон Республикасининг манфаатдор вазирликлари ва идораларининг мурожаатлари асосида ўтказилади.

- 8. Юридик ёки жисмоний шахслар ёки манфаатдор вазирлик ёхуд идора ваколатли органга куйидагилар учун зарур хужжатларни такдим этади:
  - а) материалларни тайёрлаш учун:

рўйхатдан ўтганлик ҳақидаги гувоҳнома нусхаси;

устав нусхаси;

нашриёт, босмахона ёхуд бошқа ишлаб чиқариш цехига эгалик хуқуқини тасдиқловчи хужжат нусхаси;

нашр этилиши режалаштирилган материаллар ҳақидаги маълумот;

б) материалларни олиб кириш учун:

руйхатдан ўтганлик ҳақидаги гувоҳнома нусхаси;

устав нусхаси;

мулк эгаси ёки муайян материални Ўзбекистон Республикаси худудига етказиб бериш мажбуриятини олувчи хукук эгаси бўлган шахс билан тузилган шартнома нусхаси;

олиб кирилиши режалаштирилган материаллар ҳақида маълумот;

в) материалларни тарқатиш учун:

руйхатдан ўтганлик ҳақидаги гувоҳнома нусхаси;

устав нусхаси;

тарқатилиши режалаштирилган материаллар ҳақидаги маълумот.

- 9. Экспертизани ўтказишда иштирок этувчи мутахассислар ўзлари ҳақида қуйидагиларни: маълумоти, илмий даражаси, иш стажи ва диншунослик соҳасидаги салоҳиятига оид бошқа ахборотни кўрсатишлари, шунингдек тадқиқот жараёни, ўз хулосаларини диний коидалар, талқинлар, қонунлар билан асослаб, батафсил тавсифлашлари, шахсий имзолари билан тасдиқлашлари лозим.
- 10. Ўзбекистон Республикаси худудида қуйидаги белгиларга эга материалларни тайёрлаш, олиб кириш ва тарқатишга йўл қуйилмайди:

жинси, ирқи, миллати, тили, дини, ижтимоий келиб чиқиши, эътиқоди, шахсий ёки ижтимоий мавкеига қараб ёки бошқа ҳолатларга кура камситиш ёхуд узга шахслар маҳсулотларини обрусизлантириш;

Ўзбекистон Республикасининг мавжуд конституциявий тузуми, худудий яхлитлигини зўрлик билан ўзгартиришга даъват қилиш;

уруш, зўравонлик, терроризм, шунингдек диний экстремизм, сепаратизм ва ақидапарастлик гояларини тарғиб этиш;

миллий, ирқий, этник ёки диний адоват қўзғатувчи ахборотни тарқатиш;

диний эътикодни ўзгартиришга даъват килиш;

диндорларнинг диний туйгуларини ҳақорат қилиш ёки камситиш;

фукароларни ўз конституциявий мажбуриятларини бажармасликка ча- қириш;

давлат, жамоат ёки диний ташкилотларнинг хуқуқлари ва мол-мулкига тажовуз қилишга ундаш;



гиёхванд воситалар, психотроп моддалар ва прекурсорларни тарғиб килиш:

қонунга мувофиқ жиноий ва бошқа жавобгарликни келтириб чиқарувчи хатти-ҳаракатларни амалга оширишга даъват қилиш.

- 11. Ваколатли органга давлат ва хужалик бошқаруви органлари, махаллий давлат ҳокимияти органлари, жамоат ташкилотлари ва диний ташкилотлардан уз юритишидаги масалалар юзасидан тадқиқотлар утказиш учун зарур булган ахборотни сураш ва олиш ҳуқуқи берилади.
- 12. Ваколатли орган белгиланган тартибда ташкилотларни, шу жумладан жамоат ва диний ташкилотларни бориб куриш хукукига эга.
- 13. Экспертиза натижалари мажбурий хисобот хужжати хисобланади ва хулоса сифатида расмийлаштирилади хамда индивидуал рақамга эга булади.

Экспертизанинг ижобий хулосаси Ўзбекистон Республикаси худудида муайян материал турини тайёрлаш, олиб кириш ва тарқатишга ёки шундай фаолиятни амалга оширишни рад этишга асос булиб хизмат қилади.


- 14. Материалларни тайёрлаш, олиб кириш ва тарқатишга оид эксперт хулосаси ваколатли орган раиси, у булмаган такдирда унинг урнини босувчи шахс томонидан имзоланади.
- 15. Ваколатли органда Экспертиза хулосаларининг ягона реестри юритилади.
- 16. Ваколатли орган йилига камида икки марта манфаатдор вазирликлар ва идораларга Ўзбекистон Республикаси худудида тайёрлаш, олиб кириш ва тарқатиш тақиқланган материаллар рўйхатини тақдим этади.
- 17. Эксперт хулосасига кура тайёрлашга такдим этилган материал ушбу Низомга 2-иловага мувофик ваколатли органнинг махсус голограммаси билан тамгаланади.
- 18. Ўзбекистон Республикаси худудида материалларни тайёрлаш, олиб кириш ва тарқатиш билан боғлиқ низолар қонун хужжатларида белгиланган тартибда суд орқали ҳал этилади.
- 19. Ушбу Низом нормаларини бузишда айбдор шахслар белгиланган тартибда жавоб берадилар.



47-модда — 38 — 4 (608)-сон

Диний мазмундаги материалларни давлат диншунослик экспертизасидан ўтказиш тартиби тўгрисидаги низомга 1-ИЛОВА

## Диний мазмундаги материалларни давлат диншунослик экспертизасидан ўтказиш СХЕМАСИ





4 (608)-сон — 39 — 47-модда

Диний мазмундаги материалларни давлат диншунослик экспертизасидан ўтказиш тартиби тўгрисидаги низомга 2-ИЛОВА

Ўзбекистон Республикаси Вазирлар Махкамаси хузуридаги Дин ишлари бўйича қўмита томонидан рухсат этилган диний мазмундаги материалларга бериладиган ГОЛОГРАММА



(Айлана бўйлаб: **«\*O'zbekiston\* Din ishlari bo'yicha qo'mita \*** Committee of the Religion Affairs»)

(Ичида: Din ishlari boʻyicha qoʻmita \* Committee of the Religion Affairs» ёзуви туширилган китоб эмблемаси)




Ўзбекистон Республикаси қонун хужжатлари тўплами, 2014 й.



Ўзбекистон Республикаси қонун ҳужжатлари тўплами, 2014 й.

Вазирлар Махкамасининг 2014 йил 20 январдаги 10-сон қарорига 3-ИЛОВА

### Дин ишлари бүйича қүмита аппаратининг таклиф этилаётган ТУЗИЛМАСИ



Ходимларнинг чекланган умумий сони — 30 киши, шу жумладан бошқарув ходимлари — 24 киши.

